

50

9. gr.

2. maí Heimilt er lögreglustjóra að veita undanþágu frá samþykkt þessari fyrir einstaka daga, ef sala verzlunarinnar fer fram til ágóða fyrir góðgerðarstofnanir og fyrirtæki að dómi lögreglustjóra.

10. gr.

Brot gegn samþykkt þessari varða sektum 100.00—5000.00 krónum, og renna sektirnir í bæjarsjóð. Mál út af brotum gegn samþykkt þessari skal reka að hætti opinberra mála.

Samþykkt þessi, sem gerð er af bæjarstjórn Akureyrar, samkvæmt lögum nr. 17 1. febrúar 1936, staðfestist hér með og birtist til eftirbreytni öllum þeim, sem hlut eiga að máli.

Jafnframt er úr gildi felld samþykkt nr. 35 1. marz 1949, um lokunartíma sölubúða í Akureyrarkaupstað.

Félagsmálaráðuneytið, 2. maí 1961.

F. h. r.

Hjálmar Vilhjálmsson.

Gunnlaugur Þórðarson.

51

5. maí Staðfesting forsetans á skipulagsskrá fyrir Minningarsjóð Landspítala Íslands, útgefin á venjulegan hátt að mandatum af dómsmálaráðuneytinu 5. maí 1961. Skipulagsskráin er þannig:

SKIPULAGSSKRÁ

fyrir Minningargjafasjóð Landspítala Íslands.

1. gr.

Sjóðurinn heitir Minningargjafasjóður Landspítala Íslands.

2. gr.

Sjóðurinn er stofnaður árið 1916 og hefur hann aukizt síðan með fé því, er honum hefur gefizt til minningar um látna menn.

3. gr.

Sjóðurinn er nú að upphæð kr. 1834251.65 — ein milljón átta hundruð þrjátíu og fjögur þúsund tvö hundruð fimmtíu og ein 65/100 krónur —. Höfuðstól þennan og það, sem við hann kann að bætast má eigi skerða.

4. gr.

Árlega skal leggja við höfuðstól $\frac{1}{6}$ hluta vaxta.

5. gr.

Því sem sjóðnum kann að áskotnast umfram vexti, skal ásamt þeim hluta vaxta, er eigi leggjast við höfuðstól samkv. 4. gr., varið í fyrsta lagi til hjálpar sjúklingum,

er sjúkravist eiga í Landspítala Íslands, til greiðslu sjúkrahússkostnaðar þar og í 51
öðru lagi er heimilt, ef fé er aflögu, að styrkja til sjúkrahússdvalar og annars kostnaðar, er af henni leiðir, erlendis þá sjúklinga, sem ekki geta fengið fullnægjandi læknishjálp hérlandis, að dómi yfirlækna Landspítalans, enda mæli þeir með styrkumsókn sjúklings.

Ef fé er enn fyrir hendi í árslok, þegar styrkveitingum yfirstandandi árs er lokið er sjóðstjórninni heimilt að verja allt að helmingi þess fjár, sem þá er afgangs til kaupa á tækjum, er Landspítali Íslands þarfnast til lækninga á sjúklingum eða til rannsókna á sjúkdómum í þágu Landspítalans. Ber stjórn Minningargjafasjóðsins að afhenda stjórn Landspítalans fé þetta á 4 ára fresti.

Nú þarfnast Landspítali Íslands ekki fjárveitingar í þessu skyni, þegar fé þessu má úthluta, og er sjóðsstjórninni þá heimilt að verja fé því, er úthluta má í þessu skyni til annarra sjúkrahúsa í eða utan Reykjavíkur.

6. gr.

Eignir sjóðsins standa í ríkistryggðum verðbréfum og í sparisjóðainnstæðum í Landsbankanum, Búnaðarbankanum og Útvegsbankanum í Reykjavík. Eignir sjóðsins skal á hverjum tíma geyma á þeim stöðum, sem tryggastir eru taldir.

7. gr.

Stjórn sjóðsins skipa 5 konur búsettar í Reykjavík. Skiptir stjórnin sjálf með sér störfum, þannig að ein er formaður, önnur ritari, þriðja gjaldkeri og tvær meðstjórnendur. Segi einhver stjórnarkona af sér störfum, flytji burt úr Reykjavík, deyi eða verði af einhverjum ástæðum ókleift að sinna stjórnarstörfum, kjósa hinar stjórnarkonur aðra í hennar stað. Sjóðsstjórnin kýs einn endurskoðanda til 6 ára og dóms- og kirkjumálaráðuneytið annan til jafn langs tíma, til þess að endurskoða árlega reikning sjóðsins.

8. gr.

Stjórn Minningargjafasjóðs Landspítala Íslands annast allar styrkveitingar úr sjóðnum.

9. gr.

Úthlutun styrks úr sjóðnum fer fram í byrjun hvers ársfjórðungs og séu umsóknir um styrk komnar í hendur formanns sjóðsstjórnarinnar eigi síðar en viku fyrir úthlutunardag.

10. gr.

Umsóknum um styrk úr sjóðnum fylgi tillögur um styrkveitinguna frá yfirlækni og yfirhjúkrunarkonu þeirrar deildar Landspítala Íslands, sem umsækjandi liggur á, einnig vottorð um efnahag umsækjanda frá sóknarpresti hans og frá lækni þeim, sem stundað hefur sjúklinginn, áður en hann kom á spítalann. Styrkur sá, sem sjóðurinn veitir, má eigi nema minnu en $\frac{1}{3}$ hluta kostnaðar af sjúkrahússkostnaði umsækjanda.

Komi það fyrir eitthvert ár, að eigi sé úthlutað öllu því fé, sem handbært er til úthlutunar, sbr. 5. gr., leggst afgangur þess við höfuðstól um næstu áramót.

11. gr.

Endurskoðaðan ársreikning og efnahagsreikning sjóðsins fyrir liðið ár, skal árlega birta í febrúarmánuði í B-deild Stjórnartíðindanna. Reikningsár sjóðsins er almanaksárið.

51

12. gr.

5. maí Leita skal staðfestingar á skipulagsskrá þessari og er þar með úr gildi fallin eldri skipulagsskrá sjóðsins frá 27. febrúar 1952.

Lára Árnadóttir,
formaður.

Guðrún P. Helgadóttir,
ritari.

Ragnheiður Jónsdóttir,
gjaldkeri.

Laufey Þorgeirsdóttir.

Sigríður Bachmann.

52

REGLUGERÐ

8. maí

um breyting á reglugerð nr. 116 10. sept. 1959, um skyldusparnað.

1. gr.

2. gr. hljóðar svo:

Sparifé, samkvæmt 1. gr., skal lagt til hliðar á þann hátt, að kaupgreiðandi skal afhenda launþega, sem ekki er undanþeginn skyldusparnaði, samkvæmt 5. gr., sparimerki hvert skipti, sem útborgun vinnulauna fer fram. Sparifé vegna sambærilegra atvinnutekna við laun leggur hlutaðeigandi sjálfur til hliðar með því að kaupa sparimerki mánaðarlega, þó eigi síðar en síðasta dag febrúarmánaðar ár hvert, vegna slíkra tekna á næsta ári á undan. Sama gildir, ef kaup er greitt með fæði, húsnæði eða öðrum hlunnindum, þó skattfrjálst sé. Verðgildi slíkra hlunninda skal miða við mat skattanefndar til tekna við síðustu ákvörðun tekjuskatts.

Sparimerki, samkvæmt grein þessari, skulu límd í sparimerkjabók hlutaðeigandi manns.

2. gr.

Síðasta málsgrein 5. gr. falli niður.

3. gr.

Við 6. gr. bætist ný mgr. svo hljóðandi:

Lögreglustjórar og hreppstjórar skulu um hver áramót láta hlutaðeigandi skattayfirvöldum í té skrá um þær undanþágur, sem veittar hafa verið. Skráin skal vera í því formi sem skattayfirvöld ákveða.

4. gr.

8. gr. hljóði svo:

Nú framvisar launþegi sparimerkjabók sinni sem sýnir, að hann er undanþeginn skyldusparnaði, sbr. 6. gr., og skal þá eigi greiða honum með sparimerkjum.

Reglugerð þessi staðfestist hér með samkvæmt lögum nr. 42 1. júní 1957, um húsnæðismálastofnun, byggingarsjóð ríkisins, sparnað til íbúðabygginga, breyting á I. kafla laga nr. 36/1952 o. fl., sbr. lög nr. 45 12. júní 1958 um breyting á þeim lögum, til að öðlast gildi þegar í stað og birtist til eftirbreytni öllum, sem hlut eiga að máli.

Félagsmálaráðuneytið, 8. maí 1961.

Emil Jónsson.

Hjálmar Vilhjálmsson.